

13 SEP 1999

PESERTA PERSIDANGAN UNDANG-UNDANG DIRAI DALAM JAMUAN MALAM

PETALING JAYA, 13 Sept (Bernama) -- Lebih 1,500 peserta Persidangan Undang-undang Komanwel ke-12 diraikan dalam majlis jamuan malam yang diiringi persembahan kebudayaan tempatan di sebuah hotel terkemuka di sini.

Yang turut hadir ialah Menteri Kewangan Pertama Tun Daim Zainuddin, Menteri Kebudayaan, Kesenian dan Pelancongan Datuk Abdul Kadir Sheikh Fadzir dan Timbalan Menteri di Jabatan Perdana Menteri Datuk Paduka Ibrahim Ali.

Mereka dihidangkan dengan makanan tempatan tiga kaum utama di negara ini.

Persidangan empat hari yang dihadiri oleh anggota masyarakat perundangan antarabangsa itu dirasmikan oleh Perdana Menteri Datuk Seri Dr Mahathir Mohamad pagi tadi.

Persidangan itu adalah yang pertama kali dilangsungkan di Asia sejak Persatuan Peguam Komanwel ditubuhkan pada 1983.

-- BERNAMA

NZ RHM